



Pou Piblikasyon Imedya: 29/11/2021

GOUVÈNÈ KATHY HOCHUL

GOUVÈNÈ HOCHUL ANONSE RE-OUVÈTI SIT VAKSINASYON ETA NAN QUEENSBURY

Kote yo pral bay tès tou

Jodi a Gouvènè Kathy Hochul te anonse yon sit vaksinasyon an mas eta a nan Queensbury, N.Y. pral re-ouvre mèkredi 1e desanm pou konbat ogmantasyon to enfeksyon COVID-19 la nan zòn nan. Kote a pral bay tès COVID-19 tou.

"Ak rive nan ivè a kote plis moun ap vwayaje ak rasanble anndan kay, ak aparisyon varyant Omikwon an, nou ap raple nou ke nou pa ka bese gad nou nan batay nou kont COVID-19 la", **Gouvènè Hochul te deklare**. "Vaksen ak tès yo se pi bon zouti nou genyen nan anpeche plis pwopagasyon viris la ak varryant li yo. Si nou santi nou malad, fè tès epi rete lakay nou. Si ou poko pran vaksen w lan, soti ale pran li osito ou kapab, epi si ou poko pran dòz siplemantè ou a, dòz yo disponib byen fasil nan tout eta a. Mete yon mask, lave men ou, epi rete an sekirite pandan n ap antre nan sezon ivè a."

Sit Queensbury a pral ouvri chak jou apati 8:00 a.m. rive 7:00 p.m. Sit la ap ouvri lendi, mèkredi, ak vandredi pou fè tès, epi madi, jedi ak samdi pou vaksinasyon. Yo ka pran randevou pou vaksen yo [Isit la](#). Vizit san randevou pral disponib tou.

Tès pou COVID-19 disponib nan tout Eta New York. Si yon moun gen sentòm COVID-19 yo, li empòtan pou li fè tès la epi izole jiskaske li konnen rezulta yo. Anplis de sa, moun ki te an kontak ak yon moun ki gen COVID-19 ta dwe fè tès. Pou jwenn plis enfòmasyon sou tès COVID-19, tanpri klike [isit la](#).

Sit Queensbury a pral founi tès lendi, mèkredi ak vandredi pou nenpòtmoun ki pa prezante sentom yo ak moun ki te ekspose a COVID-19. Paske sit sa a se sèlman yon kote pou kolekte echantyon san yon founisè medikal pou evalye pasyan yo, nou rekòmande pou nenpòt moun ki gen sentòm COVID-19 chèche fè tès nan yon lokal swen prensipal oswa swen ijan kote yo ka evalye yo pa yon pwofesyonèl medikal.

Tès yo bay nan sit Queensbury yo se pa tès rapid ak rezulta imedya, men se tès PCR ki mande pou yo voye echantyon yo deyò sit la pou tretman. Rezulta tès yo ka pran youn rive plizyè jou. Men pòtal pasyan BioReference kote moun ka jwenn rezulta yo: <https://www.bioreference.com/patient-portal/>.

Prezidan Konsèy Sipèvizè Konte Warren Ian, Rachel Seeber, te deklare", Nan non Konte Warren, nou rekonesan anpil dèske Eta New York ap re-ouvri yon sit vaksen an mas nan Aviation Mall, kote li te reyisi pou vaksine plizyè dizèn milye moun nan kòmansman ane sa a. Ogmantasyon yon eleman tès ki nesesè anpil nan sit sa a fè sa vin yon premye pou Eta New York e nou tèlman fyè pou nou kapab akeyi sèvis vital sa yo isit la nan Konte Warren. Kanpay edikatif pou vaksen nan de konte nou an ak Prezidan Konsèy Sipèvizè Konte Washington Ian, Sam Hall, ak estaf li a, ap travay sere ak Asosyasyon Konte Eta New York (New York State Association of Counties) la ak prezidan konte yo ak direktè sante publik yo nan tout rejon nou an, montre nesesite pou yon ekip efò ki devwe. Efò ekip sa a ap jenere rezulta reyèl ke nou bezwen yon fason dezespere pandan moman boulvèsan sa yo, e nou rekonesan anvè Gouvènè Hochul paske li rekonèt vid sa a nan sèvis yo, paske li koute enkyetid nou yo ak pou repons rapid li nan ede North Country nou an. Nou tande chak jou nan men rezidan nou yo ke nesesite pou vaksinasyon ak tès aksesib ap ogmante, epi nou kontan anpil pou nou di nou te koute epi ansam n ap reponn pi vit jan sa posib."

Prezidan Konsèy Sipèvizè Konte Washington Ian, Sam Hall, te deklare, "Nou rekonesan pou patenarya kontinyèl ak vwazen nou yo nan Konte Warren epi pou sipò Gouvènè a ak Eta New York nan re-ouvri sit vaksinasyon ak tès ki nesesè anpil nan Queensbury. Pandan ke ekip Sante Biblik nou yo kontinye kenbe klinik vaksinasyon yo avèk dilijans, fè vaksinasyon ak tès yo vin disponib pi plis nan zòn imeda nou an se kle pou non sèlman amelyore aksè ak vaksinasyon ak tès yo, men tou pou pèmèt ekip Sante Biblik nou an konsantre sou moun ki gen difikilte pou yo soti oswa sou klinik kominotè ki pi entim nou yo atravè konte a."

Tout sit vaksinasyon an mas Eta New York yo ouvri pou Nouyòkè yo ki elijib ki gen 5 ane ak plis, pou vaksinasyon san randevou nan tout sits yo sou baz ke se moun ki vini an premye yo ke y ap sèvi anvan pou moun ki gen 12 zan ak plis. Enfòmasyon sou ki sit ki egzije randevou pou timoun ki nan gwoup laj 5-11 ane disponib sou [sit entènèt nou an](#). Moun ki ta prefere fikse yon randevou nan yon sit vaksinasyon an mas eta a jere ka fè sa sou [Am I Eligible App](#) (Aplikasyon Èske Mwen Elijib) oswa lè yo rele 1-833-NYS-4-VAX. Moun yo ka kontakte depatman sante lokal, famasi, doktè oswa lopital yo tou pou fikse randevou kote vaksen yo disponib, oswa vizite [vaccines.gov](#) pou jwenn enfòmasyon sou randevou vaksen ki toupre yo.

Yo ankouraje Nouyòkè k ap chèche pran randevou pou vaksen pou timoun ki gen 5-11 zan yo pou yo kontakte pedyat pitit yo a, doktè fanmi yo, depatman sante konte yo, Sant Sante ki Kalifye nan nivo Federal (Federally Qualified Health Centers, FQHCs) yo, sant sante riral yo, oswa famasi ki ka bay vaksen yo pou gwoup laj sa a. Paran yo ak gadyen yo ka vizite [vaccines.gov](#), voye mesaj tèks kòd postal yo nan 438829, oswa rele 1-800-232-0233 pou jwenn lokal ki tou pre yo. Asire w ke founisè a ofri vaksen Pfizer-BioNTech COVID-19 la, paske lòt vaksen COVID-19 yo pa ko otorize pou gwoup laj sa a.

Vizite [sitwèb](#) nou an pou paran ak gadyen yo jwenn nouvo enfòmasyon, kesyon ak repons yo poze souvan yo, ak resous ki fèt espesyalman pou paran ak gadyen nan gwoup laj sa a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)